



Bou ons kinders vir môre

Godsdiensonderrig 1

**Lestitel: Ywer gebore uit geloof en gebed -
Die profeet Elia**

'n Ouerhandleiding

Sondagskooltuisonderrig



Liewe Ouer

Welkom by die les “**Ywer gebore uit geloof en gebed - Die profeet Elia**”

Hierdie dokument gee u 'n basiese handleiding oor hoe die les aangebied kan word.

Hoe om vir die les voor te berei en dit aan te bied

Hier volg 'n paar wenke vir voorbereiding en aanbieding:

Stap	Aksie
1.	Verkry toegang tot die webtuiste van die Nuwe Apostoliese Kerk deur die volgende in te sleutel of deur op die volgende WhatsApp-skakel te druk: https://bit.ly/3NACSSHS
2.	Versamel die volgende hulpmiddels om te verseker dat u vir die les gereed is: • Bybel • Die les in PDF-formaat wat reeds voorberei is • Kind se werkboek, potlode, kryte, ens. • Die kort video, wat 'n addisionele / opsionele hulpmiddel is • Kategismus in Vrae en Antwoorde (veral vir Konfirmasie) Nota: 2.1: Die ideale tyd om die les aan te bied is na die Sondagoggendgodsdien, om sodoende in lyn met die normale Sondagskooltyd roetine te behou. 2.2: Hou die les so bondig (kort) moontlik. Hou die aandagspan (om te fokus op die les) van ons kinders in gedagte. U ken u kind die beste! Normaalweg duur Sondagskool nie langer as 45 minute nie. 2.3: Die les is vir 'n spesifieke klas (Sondagskool (SS), Godsdiensonderig (RI) of Konfirmasie (Conf)). 2.4: Kontak gerus u Sondagskoolonderwyser indien u ondersteuning vereis of van bogenoemde hulpbronne benodig.
3.	Bid (sien die gebed aan die einde van hierdie dokument) en vra God om u as instrument te gebruik om die les aan te bied soos Hy dit wil hê.



Bied 'n Sondagskoolles tuis aan

Hoe om vir die les voor te berei en dit aan te bied

Ons gaan voort om 'n paar wenke te gee rakende voorbereiding en aanbieding:

Stap	Aksie
4	Skep 'n aangename en steurnisvrye leeromgewing waar u en die kind / kinders op dieselfde vlak kan wees. Voorbeeld: Sit op 'n mat of om 'n tafel.
5	Lees die les deur. Lees weer deur die les sodat u dit verstaan. Kyk na die kort video van die les om 'n beter begrip van die les te kry.
6	Maak vir jouself aantekeninge oor belangrike punte wat jy graag wil onthou.
7	Verstaan die doelwit van die les, wat deur u kind onthou moet word.
8	Bied die les vir u kind aan.
9	Wys vir jou kind die video en bespreek die betekenis daarvan.
10	Verwys u kind na die aktiwiteit in die kind se werkboek
11	Bid of vra u kind om te bid om sodoende die les af te sluit.

Beskikbare hulpmiddels vir tuisonderrig

Hiermee 'n paar hulpmiddels om die gehalte van die les te verbeter:

1. Gesels via WhatsApp met 'n ander Sondagskoolfamilie.
2. Bespreek die les met ander ouers om duidelikheid te kry voordat dit aangebied word.
3. Dit staan u vry om self navorsing te doen vir addisionele(ekstra) inligting.



Die Les

Lestitel	Ywer gebore uit geloof en gebed -Die profeet Elia
Bybelwoord	1 Konings 17; 1 Konings 18 en 2 Konings 11 : 9 - 11.
Lesdoelwit	Die kinders leer dat God erkenning gee vir ywer gebore uit geloof en gebed.

Lesopsomming:

- Toe Agab koning van Israel geword het, het hy meer kwaad gedoen as al die konings voor hom.
- Koning Agab het nie net van God weggedraai om Baäl te aanbid nie, maar het die hele volk aangemoedig om dieselfde te doen.
- Mense wat geweier het om Baäl te aanbid is vervolg of uit die land verdryf. Elke profeet van God wat gevind kon word, is doodgemaak.
- Op 'n dag het die koning 'n stem gehoor en 'n vreemdeling het voor hom gestaan.
- "So waar as die Here, die God van Israel, leef, sal daar geen dou of reën in hierdie jare wees nie, behalwe op my woord!", het profeet Elia die boodskap van die Here God gegee.
- Elia het omgedraai en weggegaan, maar die mense het min aandag aan God se waarskuwing gegee.
- Vir drie jaar het geen reën in die land Israel geval nie, niks het gegroei nie en die mense het minder en minder gehad om te eet.
- Die mense het begin dink aan God se waarskuwing.
- Die koning het gesien hoe die land na 'n woestyn verander en boodskappe gestuur om Elia te vind.
- Elia was nêrens te vinde nie.
- Die koning het woedend geword. God het vir Elia gesê om na Agab te gaan en dan sal Hy reën na die aarde stuur.
- Elia het vertrek en Obadja, die dienaar van die koning, gesien, "Gaan sê vir jou Agab dat Elia teruggekeer het"
- Koning Agab het geluister en vertrek om Elia te vind.
- Elia was nie bang nie en het gewag dat die koning sou opdaag.



- Die koning het geluister toe Elia vir hom sê om die hele volk Israel en die profete van Baäl op die berg Karmel bymekaar te maak.
- Elia wou hê dat die mense moet sien dat God die Almagtige is.
- Die mense wat na Elia geluister het, het verklaar dat hy die enigste profeet van God is, maar dat Baäl 450 profete het.
- Hulle het 'n offer gebring sonder om die vuur aan te steek. Hulle sal tot Baäl bid en Elia sal tot die Here roep vir vuur.
- Die een wat met vuur antwoord, moet God wees.
- Die profete van Baäl het gebid van die oggend tot die middaguur, maar geen vuur nie.
- Elia het water oor sy altaar gegooi, sy offer daarop neergelê en gebid “Here, God van Israel, laat dit vandag bekend word dat U God is en ek u kneg is”.
- Skielik het vuur neergeval.
- Die mense het op hul aangesigte geval en geroep: “Die Here, Hy is God.” Die hele volk het die Here aanbid as die enigste lewende Koning.
- Elia stuur toe sy dienskneg na koning Agab om hom te vertel dat die reën kom. Die mense het berou gehad en hulle tot God bekeer

Wat beteken hierdie les vandag vir ons?

Elia het in 'n tyd geleef waarin ongeloof toegeneem het en minder mense in God geglo het.	In baie wêrelddele is daar vandag minder mense wat glo in God, die Vader, die Seun en die Heilige Gees. Hulle leef goddelose lewens.
Elia moes seker gevoel het hy is die enigste was wat in God geglo het.	Ons moet aan ons geloof vashou en ook ons geloof met ander deel.
Elia het nie toegelaat dat hy van sy geloof afgelei word nie.	Ons moet aanhou om soos Elia, geloof en vertroue in God te hê.

Elia het op God vertrou en was gehoorsaam.	Is ons ook gehoorsaam en vertrou ons op God?
Elia het moed gehad wat uit geloof gebore is; hy was alleen as 'n profeet van God teen die vele profete en konings van daardie tyd.	Het ons die geloof om met ons vriende oor God se werk te praat?
Elia was gevul met ywer vir God en hy wou hê dat die mense van daardie tyd die mag en krag van sy God moes raaksien.	Is ons vol ywer vir God se werk?
God het Elia nie laat sterf nie; hy is in 'n vuurwa opgeneem. Voordat hy die aarde verlaat het, het hy Elisa as sy opvolger aangestel.	Wag ons dat God sy Seun Jesus sal stuur om ons saam met al die kinders van God te kom haal? Is ons gereed om saam met God te gaan woon in sy koninkryk vir ewig en ewig?



Doen oefening 1 en 2 saam met u kind.

Antwoorde op Oefening 2.(In Engels volgens die werkboek)

1. Isébel	1. Osse
2. altaar	2. Vuur
3. Agab	3. Vrugbaarheid
4. profeet	2. Astarot
5. Reën	3. Israeliete
6. Mount Carmel	4. Krit

Sommige vrae wat ons kan vra:

1. Wat was die naam van die profeet van die Here?

Antwoord: Elia

2. Wat het God vir die profeet gesê om te doen?

Antwoord: Vertel die koning Agab dat daar vir drie jaar geen reën of dou sou wees nie.

3. Wie het elke dag die profeet gevoed by die spruit van Krit?

Antwoord: Die kraaie.

4. Waarom het God besluit dat daar geen reën sou wees nie?

Antwoord: Die Israeliete het van God afvallig geword.

5. Waarom het die profeet van die Here die profete van Baäl en Ashtarot 'n altaar laat bou met 'n offer daarop en aangesê om hul gode te vra om die vuur aan te steek?

Antwoord: Sodat die volk kon sien dat die profete van Baäl en Asjera nie profete van God was nie en om die volk terug te bring om God te aanbid.

'n Gebed vir Pappa en Mamma om voor die les te bid:

Liewe God, baie dankie vir hierdie dag

Seën alle ouers en kinders

Mag ons u teenwoordigheid aanvoel

Seën die les wat ons gaan hê

Leer ons hoe om U te dien

En help ons om u wil te doen

Sodat ons nader aan U kan groei

Stuur Jesus om ons te kom haal

En mag ons gereed wees om Hom te ontmoet. Amen